

影印
文淵閣

四庫全書

影印

文淵閣四庫全書

第一四〇〇冊

北京出版集團公司
北京出版社

本冊目次

北齊文紀	明梅鼎祚編……………一
後周文紀	明梅鼎祚編……………五七
隋文紀	明梅鼎祚編……………一九七
釋文紀(一)	明梅鼎祚編……………四〇九

欽定四庫全書

集部
北齊文紀卷一

詳校官中書臣朱文翰

主事銜臣徐以坤覆勘

總校官進士臣楊懋珩

校對官典簿臣郭祚熾

謄錄監生臣連彭年

欽定四庫全書

集部八

北齊文紀

總集類

提要

臣等謹案北齊文紀三卷明梅鼎祚編北齊著作邢魏居首其餘零篇短札取備卷帙而已所采自正史以來不過文苑英華藝文類聚通鑑諸書蓋流傳本少蒐輯為難非其網羅之未備也其首列高歡高澄亦同西晉之

欽定四庫全書

北齊文紀
提要

編濫登三祖他如侯景報高澄書史明言王偉文宣即位告天文史明言魏收天保元年大赦詔藝文類聚明言邢邵而不歸操筆之人竟冒署其所代核以事實亦未睹其安又顏氏家訓各自為書史志相沿著錄設使全文載入已於體例有乖乃僅錄其序致一篇而一篇之中又僅錄其首五行豈非以篇頁無多忽而不檢致是疎漏歟考崇禎戊寅

周鑣序鼎祚所輯文紀自東晉以下皆鼎祚
沒後所刻蓋中多草莽之稿其後人未盡是
正因而刊之亦非盡鼎祚之失也乾隆四十
四年六月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

北齊文紀
提要

二

北齊文紀序

周子故居讀史三茅友人梅朗三氏寓書曰先王父禹
金先生文紀子嘗有意焉比徵天幸莆余賡之先生尹
子邑而辱嘉惠也自晉之東洎庠南北胥壽棗梨誠盛
典矣北齊後周適先告竣子曷序諸周子曰夫文自當
塗而後南北攸分厥體屢遷風尚遞變大率江左宮商
發越貴庠清綺河朔詞義貞剛重庠氣質剛理勝
其辭清綺則文過其意理深者便于時用文麗者宜于

欽定四庫全書

北齊文紀
序

諷詠此其得失之槩也元氏失馭高齊宇文東西稱霸
干戈日尋觚翰不給要其文苑可得而言蓋伯仲之間
爾夫齊之才儔貽自魏朝周之名夙半皆梁寶邢魏譽
重艷艷互師昉約王庚藻絕關中遂變周制雖地屬中
土而文競南音斯削江左之風漸被河朔質不勝文樸
散為器何所當大雅而互相短長哉兩朝之文既後蕭
統英華諸書而外散佚孔多先生哀次成書凡若干卷
斯已勤矣其間明經術陳治紀以逮天文地志人事物

訓美惡具錄殘缺兼采匪直文辭之津奧而已蓋亦經

世典詞者所當覽誦焉余因是而慨斯文顯晦之數矣

昔子長史記歷元成而始重揚雲太玄識者謂四百年

後其興矣張陸既出玄遂大行豈非時為之耶先生歷

代文紀篋藏廿餘年張陸之契迺在余侯較之揚馬不

先時而厚幸哉余侯經術飾治甫及下車首揚先哲表

遺文禮名士弦誦日作聲蒸蒸起江以南單父浚儀以

是知其選已往子過朗三之廬習其曾王父宛谿大夫

欽定四庫全書

北齊文紀

二

嘉靖中為給諫有直聲忤相嵩出守紹興私淑文成用

理學顯然則先生淵源所繇來遠矣子游朗三父子兄

弟間斌斌質有其文朗三績學工古有當世志嘗語子

願假二紀更端唐宋以續先生之遺子壯其志數懲吏

之嗟庠天壤間所稱不朽唯是名節文章而已士有一

不出此雖冠刻衣檐檐吾懼其立而腐諸余侯博物

大雅君子也庶其不河漢庠余言于是乎書崇禎戊寅

秋分日華陽周鑣序

欽定四庫全書

北齊文紀卷一

明 梅鼎祚 編

神武帝高歡

字賀六渾渤海人仕魏封渤海郡王為安州刺史起兵討爾朱氏立孝

武帝脩自為大丞相脩奔長安依宇文泰廼入洛陽立清河王子善見是為東魏及子洋篡位

追崇獻武帝廟曰太祖後主初改號神武皇帝廟號高祖

上魏節閔帝出師表

神武初歸爾朱榮每參軍謀為親信都督時魏明帝

欲除鄭儼等使榮舉兵入洛以神武為前鋒帝暴前乃立帝於洛陽榮舉兵為政所誅從

子北自晉陽入洛執使殺之及節閔帝立改元普泰榮從弟世隆輔政封神武為渤海王

欽定四庫全書

北齊文紀

一

徵使入觀神武遂起義師于信陽抗表罪狀爾朱氏復立章武王子朗為帝進討北世隆

及其黨盡誅之凶靈既除朝廷慶悅因廢節閔及朗而立孝武帝脩

臣某言故天柱大將軍榮援立聖明中興寶厯而屠戮

衣冠升降自已其勲雖大厥咎亦深以過比功則功不

補過永安之末國祀權移疑貳已彰遂加大戮君猶天

也理絕讎怨而世隆等鳩集犬羊傾覆京邑大行幽執

酷害賊首且自立六王擅相署置或權重上將或官兼

宰相輔淫貪亂肆行兇惡賣官鬻獄專貨求財政令無

恒朝改幕易雖復南山之竹豈可盡言陛下龍德光天
翻飛紫極斯乃宗廟之威靈億兆之念望而世隆等阻
衆安忍自以為功帶甲勒兵唐突宮省篡逆之漸昭然
有徵臣本無勲庸濫叨非據位班台鉉爵等藩王質薄
任隆憂深責重常恐顛沛負之無力主憂臣辱先達明
規主辱臣死微臣宿志况擁百萬之師罄四海之銳而
坐觀成敗不恤國家之難哉方將搃馭大軍弔民伐罪
其指麾形勢備在檄書若世隆等退出藩維奉辭廷闕

欽定四庫全書

北齊文紀
卷一

臣便按甲休兵一無所預事寧之後泥首歸愆矯命專
征分甘鈇鉞若固執逆謀敢拒義師者當戮其妻孥罪
延三族伏願陛下留神省察照臣丹款大勲克舉拜手
有期心馳象闕載懷罔極

文苑英華
光一作先

上魏孝武帝表

帝以斛斯椿等搆神武部署將
帥將討之假稱南伐密書與神

武神武表上帝知神武覺其謀欲止諸軍神
武還以表聞仍以信誓自明忠款屢故不答
神武遂舉兵犯洛帝奔長安乃
立清河王子善見是為孝靜帝

荊州綽接蠻右密邇畿服關隴恃遠將有逆圖臣今潛

勒兵馬三萬擬從河東而渡又遣恒州刺史庫狄干瀛
州刺史郭瓊汾州刺史斛律金前武衛將軍彭樂擬兵
四萬從來達津渡遣領軍將軍婁昭相州刺史竇泰前
瀛州刺史堯雄并州刺史高隆之擬兵五萬以討荊州
遣冀州刺史尉景前冀州刺史高敖曹濟州刺史蔡儁
前侍中封隆之擬山東兵七萬突騎五萬以征江左皆
約所部伏聽處分

又自理表

欽定四庫全書

北齊文紀
卷一

臣為嬖佞所間陛下一旦賜疑令猖狂之罪爾朱時計
臣若不盡誠竭節敢負陛下則使身受天殃子孫殄絕
陛下若垂信赤心使干戈不動佞臣一二人願斟量廢
出

與魏彭城王韶書

韶字世胃襲祖懿封武定
末司州牧齊受禪降爵

孟業字敬業鉅鹿安國人韶拜定州業為典
籤長史性廉謹尋出外行縣事高祖書責韶
典籤姓孟者極能用心何不置之目前

北齊書
北史
作何乃今出外

也

遺侯淵書

淵神武尖山人奔梁見殺

淵仕魏定州刺史隨爾朱兆拒高祖兆敗從高祖破爾朱氏永熙初除齊州刺史遣使通誠於高祖汝陽王暹既除齊州淵據城不時迎納民劉桃符等潛引暹入城淵率騎出奔妻兒部曲為暹所虜會承制以淵行青州事高祖又遣書淵乃復還暹始歸其部曲

卿勿以部曲輕少難於東邁齊人流薄惟利是從齊州

城民尚能迎汝陽王青州之民豈不能開門待卿也但

當勉之

魏書

賜盧勇書

勇字李禮范陽涿人

欽定四庫全書

北齊文紀卷一

勇東魏元象中以功授儀同三司揚州刺史鎮宜陽叛民韓木蘭陳忻等常為邊患勇大

破之欲求入朝高祖賜勇書

吾委卿揚州惟安枕高卧無西南之慮矣但依朝廷所

委表欲宜停卿之妻子任在州住當使漢兒之中無在

卿前者

與鄴下諸貴書

崔暹字季倫博陵高平人魏武定初為御史中尉前後表彈尚書令馬子如及尚書元羨雍州刺史慕容獻又彈成陽王坦并州刺史可朱渾道元並免官其餘死黜者甚衆高

祖書與鄴下諸貴
進入齊歷右僕射

崔暹昔事家弟為定州長史後吾兒開府諮議及遷左丞吏部郎吾未知其能也始居憲臺乃爾糾劾咸陽王司馬令並是吾對門布衣之舊尊貴親昵無過二人同時獲罪吾不能救諸君其慎之

並北齊書

招王思政書

東魏丞相歡擊西魏入自汾絳連營四十里丞相泰使王思政守玉壁以斷其道歡以書招思政思政復書歡曰玉壁凡九日遇大雪士卒飢凍遂解圍去是年十一月以可朱渾

欽定四庫全書

北齊文紀卷一

道元為并州刺史道元名元遼東人為魏渭州刺史歸齊歷位太師

若降當授以并州

王思政復書

字思政太原祁人魏大將軍拒齊文襄敗歸齊為都官尚書

可朱渾道元降何以不得

資治通鑑

教子澄書

尚書令司馬子如以丞相歡故人常任意氣自高與太師咸陽王坦貪黷無厭退前後彈子如坦及并州刺史可朱渾道元等罪狀無不極筆宋遊道亦劾子如坦及太保孫騰司徒高隆之司空侯景尚書元羨等澄叔子如繫獄一宿髮盡白辭曰司馬子如從夏州策

杖投相王王給露車一乘齋拏牛犢積在道
死唯齋角存此外皆取之於人必相歡以書
教澄澄駐馬行街出
子如脫其鎖削官爵

馬令是吾故舊汝宜寬之北史通鑑司馬令吾之故舊

大襄帝高澄字子惠神武長子襄為大丞相為奴
蘭京所殺追尊大襄皇帝廟曰世宗

密與高隆之書隆之字延興高平金鄉人魏太
保入齊錄尚書事領大宗正

高仲密之將叛也陰遣人扇動冀州豪傑使
為內應東魏遣高隆之馳驛慰撫由是得安
澄密書與隆之隆之以為恩旨既
行理無追改乃欲丞相歡而罷之

仲密杖黨與之俱西者宜悉收其家屬以懲將來資治通鑑

欽定四庫全書北齊書卷一

與侯景書

景初為北鎮戍兵事爾朱榮以戰功推定州
刺史大行臺封濮陽郡公神武帝為魏相誅
爾朱氏景以眾降神武仍為所用馭軍嚴整
所向多捷總攬兵權與神武相亞魏以為司
徒南道行臺專制河南及神武疾篤謂文襄
曰景我死後必不為汝用為書召景景懼及
禍舉河南附梁神武薨文襄遣慕容紹宗圍
景于長社景復請西魏為援大襄慮景與西
南合從方為已患乃
以書喻景景答之

益聞位為大寶守之未易仁誠重任終之實難或殺身
成名或去食存信比性命於鴻毛方義節於熊掌夫然

者舉不違德動無過事進不見惡退無謗言先王與司

徒契闊夷險孤子相依偏所眷屬繼繼襟期綢繆素分

義貫終始情存歲寒司徒自少及長從微至著共相成

立生非無恩既爵冠通侯位標上等門容駟馬食饗萬

鍾財利潤於鄉黨榮華被於親戚意氣相傾人倫所重

感於知己義在忘軀眷為國士者乃立漆身之節饋以

壺飧者便致扶輪之效若然尚不能已況其重於此乎

幸以故舊之義欲持子孫相託方為秦晉之匹共成劉

欽定四庫全書北齊書卷一

范之親假使日往月來時移世易門無強蔭家有幼孤

猶應加璧不遺分宅相濟無忘先德以恤後人況聞負

杖行歌便已狼顧大噬於名無所成於義無所取不蹈

忠臣之迹自陷叛人之地力不足以自彊勢不足以自

保率烏合之眾為累卵之危西求救於黑秦南請援於

蕭氏以孤疑之心為首鼠之事入秦則秦人不容歸吳

則吳人不信當今所觀未見其可不知終久持此安歸

相推本心必不應爾當是不逞之人曲為異端之說遂

懷市虎之疑乃致扶行之惑比來舉止事已可見人相
疑誤想自覺知闔門大小並在司冠意謂李氏未滅猶
言少卿可反孤子無狀招禍丁天酷罰不能死亡苟存
晷漏追慕永遠五內崩裂但禮由權奪志在忘私思効
力命卒成功業近者卿命偏師前驅致討南兗揚州應
時尅復即欲乘機長驅懸瓠屬以炎暑欲為後圖且命
旋軍待時更舉今寒飈向折白露將圓方憑國威龔行
天罰器械精新士馬強盛內外感恩上下戮力三令五
申可蹈湯火若使旗鼓相望埃塵相接勢如沃雪事等
注熒夫明者去危就安智者轉禍為福寧使人負我不
使我負人當開從善之門使有改迷之路今誠刷心蕩
意除嫌去惡想猶致疑未便見信若能卷甲來朝報弓
還闕者當相授豫州刺史以終身世所部文武並不追
攝進得保其祿位退則不喪功名冀有知幾之心當為
可信之事今王思政韋法寶等孤軍偏將遠來深入然
其性命在君股掌若欲刺之想有餘力若能擒剪肆諸

市朝即加寵授永保疆場君門眷屬可以無恙寵妻愛
子亦相送還仍為通家共成親好所不食言有如皎日
今遣行人路程可度此月十日應至彼間足得還返若
能悔過不忘本朝宜遣腹心之使自來向此面取委曲
使相知信如其遲疑未便分決使來賒緩不赴期會國
有常刑以明君法今君不能東封函谷南面稱孤受制於
人威名頓盡得地不能自守聚眾不以為彊空使身有
背叛之名家為惡逆之黨兄弟子姪首足異處垂髮戴
白同就塗炭聞者相為酸鼻見者相為寒心覆宗絕嗣
自貽伊慙戴天履地之心能無愧乎成敗禍福決之此
使善惡向背相任所從脫出自思致延後悔駟馬不追
噬臍何及孤子今日不應乃遣此書但見蔡遵道云司
徒本無歸惡之心深有追悔之意聞西兵將至遣遵道
向嶠中叅其多少少則與其同力多則更為之備又云
房長史在彼之日司徒嘗欲遣書啟將改過自新求効
邊畔已差李龍仁等垂欲發遣聞房已還遂復停廢未

知遵道此言為實為虛但既有所聞不容不相盡告吉

凶之理想自圖之

文苑英華 梁書方作等違作失素
分作寤語共相成立生非無恩作共

相成生非無恩德食作室異作口虎作獸感下有耳字
並在作並付國威作國靈感恩作感德戮力作齊心焚
作螢寧使人負我不使我負人作寧使我負人不使人
負我使有作決改報弓作垂索以終身世作即使終君
之世並作更相送作送相兄弟上有空使二字首足異
處作足肯異門同就作同之寒心下云矧伊骨肉能無
愧也乃遣作方遣歸惡作歸西追悔作悔過之備作其
備已還作已遠為實為虛作為虛為實 北齊書卷為
作待為壺殮作一殮幸以作常以欲持作欲將犬噬作
反噬之迹作之路自陷作便陷求救作取救黑秦作字
文異端作無端並在作悉在耶命偏師作聊遣偏裨長
驅作席卷且命旋軍作且令還師寒飈作寒膠可蹈作

欽定四庫全書

北齊書

十一

惡作西歸此
言作此語

侯景報文襄書

文襄覽書問為誰作或曰其行臺郎王偉
文襄曰偉才如此何因不使我知文襄欲

問景於梁又與景書而謬其辭云本使彼
陽叛欲與圖西人知之故景更與圖南
為事漏其書於梁
梁人亦不之信

蓋聞立身揚名者義也在躬所寶者生也苟事當其義

則節士不愛其軀刑罰斯舛則君子實重其命昔微子

發狂而去殷陳平懷智而背楚者良有以也僕鄉曲布

衣本申藝用初逢天柱賜忝帷幄之謀晚遇永熙委以

干戈之任出身為國綿歷二紀犯危履難豈避風霜遂

得躬被袞衣口餐玉食富貴當年光榮身世何為一旦

舉旌旆援桴鼓而北面相抗者何哉實以畏懼危亡恐

招禍害捐軀非義身名兩滅故耳何者往年之暮尊王

遘疾神不祐善祈禱莫瘳遂使嬖幸擅威權閣寺肆詭

欽定四庫全書

北齊書

十一

惑上下相猜心腹離貳僕妻子在宅無事見圍段康之

謀莫知所以盧潛入軍未審何故翼翼小心常懷戰慄

有靦面目寧不自疑及迴師長社希自陳狀簡書未達

斧鉞已臨既旌旗相對咫尺不送飛書每奏兼申鄙情

而羣卒恃雄眈眈不顧運戟摧鋒專欲屠滅築圍堰水

三板僅存舉目相看命懸晷刻不忍死亡出戰城下禽

獸惡死人倫好生送地拘秦非樂為也但尊王平昔見

與此肩共獎帝室雖形勢參差寒暑小異丞相司徒鴈

行而已福祿官榮自是天爵勞而後受理不相干欲求
吞炭何其謬也然竊人之財猶謂為盜祿去公室相為
不取今魏德雖衰天命未改祈恩私第何足闕言賜示
不能東封函谷受制於人當似教僕賢祭仲而褒季氏
無主之國在禮未聞動而不法何以取訓竊以分財養
幼事歸令終捨宅存孤誰云隙末復言僕衆不足以自
強危如累卵然紂有億兆夷人卒降十亂桀之百剋終
自無後潁川之戰即是殷監輕重由人非鼎在德苟能

欽定四庫全書

北齊文紀
卷一

十三

忠信雖弱必彊殷憂啟聖處危何苦況今梁道邕熙招
携以禮被我虎文縻之好爵方欲苑五岳而池四海掃
夷穢以拯黎元東羈甌越西通汧隴吳楚剽勁帶甲千
羣秦兵冀馬控弦十萬兼僕所部義勇如林奮義取威
不期而發大風一振枯幹必摧凝霜暫落秋蒂自殞此
而為弱誰足稱彊又見誣兩端受疑二國斟酌物情一
何至此昔陳平背楚歸漢則王百里出虞入秦斯霸蓋
昏明由主用捨在時奉禮而行神其庇也書稱士馬精

新剋日齊舉誇張形勝指期蕩滅竊以寒颼白露節候
乃同秋風揚塵馬首何異徒知北方之力爭未識西南
之合從苟欲徇意於前途不覺坑穽在其側若云去危
令歸正朔轉禍以脫網羅彼既嗤僕之愚迷此亦笑君
之晦昧今已引二邦揚旌北討熊虎齊奮剋復中原荆
襄廣潁已屬闕右項城懸瓠亦奉南朝幸自取之何勞
恩賜然權變不一理有萬途為君計者莫若割地兩和
二分崑崙燕衛晉趙足相俸祿齊曹宋魯悉歸大梁使

欽定四庫全書

北齊文紀
卷一

十三

僕得輸力南朝北敦姻好束帛交行戎車不動僕立當
世之功君卒祖禰之業各保疆界躬享歲時百姓又寧
四民安堵孰若驅農夫於隴畝抗勅敵于三方避干戈於
首尾當鋒鏑於心腹縱太公為將不能獲存歸之高明
何以克濟復尋來書云僕妻子悉拘司寇以之見要庶
其可反當是見疑褊心未識大趣何者昔王陵附漢母
在不歸太上因楚乞羹自若矧伊妻子而可介意脫謂
誅之有益欲止不能殺之無損徒復坑穽家累在君何

關僕也而導道所傳頗亦非謬但在縲紲恐不備盡故

重陳辭更論款曲所望良圖時惠報旨然昔與盟主事

等琴瑟讒人間之翻為讎敵撫弦擗天不覺傷懷裂帛

還書如何能述

梁書 卿曲北齊書作卿一二紀作一紀光榮作榮華梓鼓作鼓梓琴幸擅威

權四句作辭幸弄權心腹離貳迴師作迴歸未達作未

遣不送作不遠燕申作冀申羣卒作羣帥不顧作弗顧

禁園作掘園三板僅存作董存三板晏刻作漏刻送地

拘秦一段作云拘秦迺地豈樂為之禽獸惡死人倫好

生僕實不辜桓莊何罪且尊王平昔見與比肩戮力同

心共獎帝室雖復推勢參差寒暑小異亦相司使厲行

而已為益作之盜相為作抑謂祈恩作拜恩賜示作賜

嗤褒作哀何以取訓作將何以訓危如作身危如夷機

欽定四庫全書

北齊文紀 卷一

作氣機吳楚剽勁作吳越悍勁稱強作稱雄至此作太

甚則王作則疆在時作在人神其庇也作神其吐耶勝

作勢指期湯滅作必欲相滅寒颼作寒膠若云二句作

去危就安今歸正朔轉禍為福已脫網羅彼既作彼當

南朝作江南恩賜作見援不一作非一二分作三分晉

趙作趙晉交行作自行不動作不駕祖祠作父祠疆界

作疆壘躬享作聽享民作人獲存作復存云作曰僕妻

子悉拘司寇作妻子老幼悉在司寇以之作以此殺之

作救之徒復作復加所傳作所說非謬作非虛知何作

其何 景初為北鎮戍兵稍立功效天柱將軍爾朱榮

自晉陽入就胡太后景以私眾見榮榮

甚奇景委以軍事 永熙魏孝武年號

與崔李舒書

李舒字叔正博陵安平人歷侍中開府加特進後主時被讒生誅

親孝靜帝好文學美容儀多力善射有孝文風文襄甚忌焉大將軍中兵參軍崔李舒為

中書黃門侍郎令監察動靜小大皆令李舒知文襄與李舒書

癡人復何似癡勢小差未

魏書 通鑑末云宜用心檢校

答李元忠書

元忠趙郡柏人人任魏為太常卿入齊領衛尉卿

元忠除驃騎大將軍儀同三司嘗貢世宗蒲萄一盤世宗報以百練縹遺其書

儀同位亞台鉉識懷貞素出藩入侍備經要重而猶家

無擔石室若懸磬豈輕財重義奉時愛已故也久相嘉

尚嗟咏無極恒思標賞有意無由忽辱蒲萄良深佩戴

聊用絹百疋以酬清德也

欽定四庫全書

北齊文紀 卷一

十五

降劉禕書

禕字彥英彭城人魏孝昌中釋巾太學博士累遷州刺史遷人服其威信甚得疆場之

和世宗輔政降書褒獎狄滿竟歸鄉里

以卿家世忠純奕代冠冕賢弟賢子並與吾共事懷抱

相託亦自依然宜勗心力以副所委莫慮不富貴

判宋遊道

遊道除御史中尉東萊王道習參御史選限外投狀遊道與道習有舊受

之文襄怒杜而判之曰

遊道稟性獷悍是非肆口吹毛洗垢瘡痍人物往與郎

中蘭景雲忿競列事十條及加推窮便是虛妄方共道
習凌侮朝典法官而犯持是難原宜付省科

文宣帝

名洋字子進神武帝次子文襄被弑代為丞相齊郡王篡東魏自立國號齊都鄴在位

十年廟曰顯祖

即位告天文

魏收撰

皇帝臣諱敢用玄牡昭告于皇皇后帝否泰相沿廢典
迭用至道無親應運斯輔上覽唐虞下稽魏晉莫不先
天揖讓考歷歸終魏氏多難年將三十孝昌已後內外

欽定四庫全書

北齊文紀卷一

十六

去之世道橫流蒼生塗炭賴我獻武拯其將溺三建元
首再立宗祧掃絕羣凶芟夷奸宄德被黔黎勲光宇宙
文襄嗣武尅構鴻基功浹寰宇威陵海外窮髮懷音西
寇納款青丘保候丹穴來庭扶翼危機重匡頽運是則
有大造于魏室也魏帝以卜世告終上靈厭德欽若昊
天允歸大命以禪于臣諱夫四海至公天下為一摠民
宰世樹之以君既川岳啟符人神效祉羣公卿士八方
兆庶僉曰皇極乃顧于上魏朝推進於下天位不可以

暫虛遂逼羣議恭膺大典猥以寡薄託于兆民之上雖
天威在顏咫尺無遠循躬自省實懷祗惕敬簡元辰升
壇受禪肆類上帝以答萬國之心永隆嘉祉保佑有齊
以被于無窮之祚

天保元年大赦詔

藝文作邢邵為受禪登極赦詔多齊書六句

無德而稱代刑以禮不言而信先春後秋故知惻隱之
化天人一揆弘宥之道今古同風朕以虛薄功烈無紀
昔先獻武王值魏世不造四海幅裂九鼎行出祭器無

欽定四庫全書

北齊文紀卷一

十五

歸乃驅御侯伯大號燕趙拯厥顛隍俾亡則存大襄王
外挺武功內資明德纂戎先業闢土服遠年踰二紀世
歷兩都獄訟有適謳歌斯在故魏帝俯遵歷數爰念褰
裳遠取唐虞終同脫屣實幽憂未已志在陽城而羣公
卿士誠守愈切遂屬代終居于民上如涉深水有睠終
朝始發晉陽九尾呈瑞升壇告天亦雀効祉惟爾文武
不貳心之臣股肱爪牙之將左右先王克隆大業永言
誠節共斯休祉然三皇存教非易可免七名改號庸可

庶幾思與億兆同始茲日其大赦天下改武定八年為天保元年其百官進階男子賜爵鰥寡六疾義夫節婦旌賞各有差代藝文作化之化作之心天人作天地虛作寡則存作若存爰念作念在瑞作祥克作光誠烈作誠節共斯休祉作共茲休慶

崇儉詔

頃者風俗流宕浮競日滋家有吉凶務求勝異婚姻喪葬之費車服飲食之華動竭歲資以營日富又奴僕帶金玉婢妾衣羅綺始以初出為奇後以過前為麗上下貴賤無復等差今運屬惟新思蠲往弊反朴還淳納民軌物可量事具立條式使儉而獲中

復渤海四郡詔

元年

冀州之渤海長樂二郡先帝始封之國義旗初指之地并州之太原青州之齊郡霸業所在王命是基君子有作貴不忘本思申恩洽蠲復田租齊郡渤海可並復一年長樂復二年太原復三年

祭慰故太傅孫騰等詔

故太傅孫騰故太保尉景故大司馬婁昭故司徒高敖曹故尚書左僕射慕容紹宗故領軍万俟干故定州刺史段榮故御史中尉劉貴故御史中尉竇泰故殷州刺史劉豐故濟州刺史蔡雋等並左右先帝經贊皇基或不幸早徂或殞身王事可遣使者就墓致祭并撫問妻子慰逮存亡

奏聞文啟詔

自今已後諸有文啟論事并陳要密有司悉為奏聞

欽定四庫全書

北齊文紀卷一

十九

出魏御府珍綵詔

古人鹿皮為衣書囊成帳有懷盛德風流可想其魏御府所有珍奇雜綵常所不給人者徒為畜積命宜悉出送內後園以供七日宴賜

修立黌序詔

郡國修立黌序廣延髦俊敦述儒風其國子學生亦仰依舊詮補服膺師說研習禮經往者文襄皇帝所建蔡邕石經五十二枚即宜移置學館依次修立

賞直言詔

有能直言正諫不避罪辜謇謇若朱雲諤諤若周舍開
朕意沃朕心弼予一人利兼百姓者必當寵以榮祿待
以不次

又詔

諸牧民之官仰專意農桑勤心勸課廣收天地之利以
備水旱之災

條錄文籍詔

元年
七月

欽定四庫全書

北齊文紀
卷一

二十

朕以虛寡嗣弘王業思所以贊揚盛績播之萬古雖史
官執筆有聞無墜猶恐緒言遺美時或未書在位王公
文武大小降及民庶爰至僧徒或親奉音旨或承傳傍
說凡可載之文籍悉宜條錄封上

定麟趾格詔

元年
七月

魏世議定麟趾格遂為通制官司施用猶未盡善可令
羣官更加論究適治之方先盡要切引綱理目必使無
遺未成之間仍以舊格從事

更加論究北史
作更論討新令

發遣梁民詔

梁國遭禍主喪臣離邊彼災方盡生荆棘興亡繼絕義
在于我納以長君拯其危弊比送梁主已入金陵藩禮
既修分義方篤越鳥之思豈忘南枝凡是梁民宜聽反
國以禮發遣

併省州郡詔

天保
七年

崑山作鎮厥號神州瀛海為池是稱赤縣烝民乃粒司
牧存焉王者之制沿革迭起方割成災肇分十二水土

欽定四庫全書

北齊文紀
卷一

三

既平還復九州道或繁簡義在通時殷因于夏無所改
作然則日月躔于天次王公國于地野皆所以上叶玄
儀下符川嶽逮于秦政鞭撻區寓罷侯置守天下為家
洎兩漢承基曹馬屬統其間損益難以勝言魏自孝昌
之季數鍾澆石祿去公室政出多門衣冠道盡黔首塗
炭銅馬鐵脰之徒黑山青犢之侶梟張晉趙豕突燕秦
綱紀從茲而頽彛章因此而紊是使豪家大族鳩率鄉
部託跡勤王規自署置或外家公主女謁內成昧利納

財啓立州郡離大合小本逐時宜剖竹分符蓋不獲已

牧守令長虛增其數求功錄實諒足為煩損害公私為

弊殊久既非為政之禮徒有驅羊之費自爾因循未遑

刪改朕寅膺寶歷恭臨八荒建國經野務存簡易將欲

鎮躁歸靜反薄還淳苟失其中理從刊正傍觀舊史述

聽前言周曰成康漢稱文景編戶之多古今為最而丁

口減於疇日守令倍於昔辰非所以馭俗調風示民軌

物且五嶺內賓三江廻化拓土開疆利窮南海但要荒

欽定四庫全書

北齊文紀
卷一

五

之所情多浮偽百室之邑便立州名三戶之民空張郡

目譬諸木犬猶彼泥龍循名責實事歸烏有今所併省

一依別制

祀禮詔

天保七年
北
史八年八月

丘郊禘祫時祀皆仰市取少牢不得割割有司監視必令

豐備農社先蠶酒肉而已雩禱風雨司民司祿靈星雜

祀果餅酒脯唯當務盡誠敬義同如在

贈陳元康詔

元康歷事神武大業並見任待大
業將受禪為驢奴蘭京所殺時元

康在坐以身扞敵被刺傷卒
明年文宣即位詔追贈之

元康識超往哲才極時英千仞莫窺萬頃難測綜核戎

政彌綸霸道草昧召陵之謀翼贊河陽之會運籌定策

盡力盡心進忠補過亡家徇國掃平逋寇廓清荆楚申

甫之在隆周子房之處盛漢曠世同規殊年共美大業

未融山墮奄及悼傷既切宜崇茂典贈使持節都督冀

定瀛殷滄五州諸軍事驃騎大將軍司空公冀州刺史

追封武邑縣一千戶舊封並如故謚曰文穆賻物一千

欽定四庫全書

北齊文紀
卷一

五

二百段大鴻臚監喪事凶禮所須隨由公給

王昕削爵詔

文宣踐阼昕拜七兵尚書封宜君
縣男帝以昕疏誕非濟世才又有

讒昕每嗟水運不應
遂絕乃下詔徙幽州

元景本自庸才素無勲行早需纓紱遂履清途發自畿

邦超居詹事俄佩龍文之劔仍啟帶礪之書語其器分

何由到此誠宜清心勵已少酬萬一尚書百揆之本庶

務攸歸元景與奪任情威福在已能使直而為枉曲反

成弦害政損公名義安在偽賞擯抑之味好詠輕薄之